



Australian Government



Lięc, thuëët de meth, ku wëël de COVID-19

Wel ke Comirnaty (Pfizer) ku Spikevax (Moderna) acī gam tēnē diäär liac ku diäär thuëët mīth wëlä/ka diäär kōrkē bīkē liac. Diäär aalē bīkē wäl yōk nē gēer de thaar lięc keek.

Kē ręc lē bī bēn bei, ku cīi pieth tēnē COVID-19 tēnōj diäär liac ku mīthkeen kēcē keek dhiëeth adīt arēēt. Diäär liac cī tuaany de COVID-19 yōk aa tōu tē rac arēēt bī keek yaa cool ē lo akīm wëlä/ka kōrkē muōōk dīt arēēt. Mīthkeen kēcē keek dhiëeth aabī nañ kueer dīt lē bīnē keek dhiëeth ē ke kec nīn keen ke dhiëeth cuōōp (bī dhiëeth ke wiik kaa 37 kec bēn) ku kaa kōr bīkē lo akīm acān muōōk.

Wum yenē kee kueer pieth bīnē kee kā rēcē cuōōpiny. Yīn bī nañ door kaa reu ke wëël de Pfizer yōk ke nōj kaam de wiik kaa diāk, wëlä/ka door kaa reu ke wëël de Moderna ke nōj kaam de wiik kaa ŋuan agut cī wiik kaa dhetem.

Kuēn de kē kōr cī looi nē US, ciin wār ciin de diäär liac kaa 35,000 nyuōōth naadē ke ka nōj kē lē bī rōt looi tēnē diäär ēbēn tē cīnē keek wum/toom thōj kenē diäär liac ku diäär cīi liac. Wum acīi lē bī kuēr ke kē bī yic riel bēi cīt ba dhiëth ke thaar bīnē meth dhiëeth ŋoot, ba dhiëeth wei, kē koor wëlä/ka bī meth dac dhiëeth ke tharde ŋoot wei ku kē lē bī rōt looi nē dhiëthic.

Kē de COVID-19 aden de ciin de diäär liac ke juak rōt, ku wō ŋot ke wō bē kā kua cōkpiny.

Yeenō yen ye kē lē bī rōt looi tē cīnē yīin wum nē wëël de COVID-19 ye cōl nē thēr lięc yīn keek?

Kā lē bīkē rōt looi kuany wum de welk ke COVID-19 cōk aanōjiic:

- atuōc/alēëth
- nēk de kōk
- akuēmnhom/ayarnhom
- nēk de acueek de kōk
- nēk de yom thook
- dāñ de guōp.

Naa nōj gēer de kee kākē tē cīnē yīin wum, ke yīn lē ba wëël de atuōc ye cōl paracetamol dek bī kee kākē cuōōpiny. Paracetamol apieth nē thēr kedhie ke lięc.

Kuën cī looi nē pinynhom akēc yök mən nōj kē lē bī rōt looi tēnē diäär liac wēlē/ka mīthken. Ku naa cak tōu, alē bī rōt lēu bī naḡ kā cī rōt ye dac looi cī kōc tōu nē kōōric ḡot ke kecē keek yök.

Nōj gær de kā pieth lē bīkē rōt luōi mənhdīē naa lōōm wēēl de COVID-19 ke ya liac?

Diäär liac nōj tuaany de COVID-19 aa tōu tē ræc de riäk de tik wēlē/ka dhiēth de meth ke thaarde kēc bēn (bī dac dhiēēth) ke thaarde ḡoot. Mīthken aalē bīkē gum arēēt nē dhiēthic, wēlē/ka kaa kōōr bī keek yīlac/dōōc tē yenē mīth ē ke piac keek dhiēēth tāau thīn akīm.

Wum yenē kee kueer pieth bī kee kā ræckē cuōpiny.

Acīi kā ye yeen nyuōōth ke kōc ye daai (Scientific) lueel naadē kē ye guōp tiit tēnē diäär liac tē cīnē keek wum nē wēēl de COVID-19 aaye lo adhiēēth yic, tēnē diäär cī keek dac wum nē liēc yic nē door keen ke wum kedhie ke mīthken kēcē keek goa dhiēēth. Kee kā ye guōp tiitic kākē aalē bīkē meth ḡel nē tuaany de COVID-19 nē pēi lik pīir yen keek.

Yee kāḡō bī keek lēk diäär thuēēt mīth?

Wēēl de Pfizer ku Moderna aye gam tēnē diäär thuēēt mīth. Yīn lē ba ḡot ke yīn thuēēt meth ke yīn cī wum wēlē/ka ke yīn ḡot ke yīn kēcē wum.

Yee kāḡō bī keek lēk diäär kōōr bīkē liac?

Wēēl de Pfizer ku Moderna ēya dēt aye gam tēnē diäär kōōr bīkē liac. Ba wāl lōōm ke yīn kec liac aye lueel naadē ke yīn kōōr ḡel de tuaany de COVID-19 nē liēcdu yic ēbēn. Yīn thiēcku ba nyic naadē:

- Acīi kōōr ba liēc puōl ke yīn cī wum wēlē/ka kecē yīin wum nē wēēl de COVID-19.
- Wāl acīn kē yee riōōk nē dhiēthic.
- Yīn cīi kōōr ba liēc them ke yīn kēcē wum.

Nē kē de wēl juēc

Ba yök yee tē yīndī bī yīn wēēl de COVID-19 yök thīn, nem <https://covid-vaccine.healthdirect.gov.au/>

Naa nōj gær de kē ba thiēc nē kē de wēēl de COVID-19, jam wenē dīktordu/akīmdu, loōr tēnē health.gov.au/covid19-vaccines-languages, wēlē/ka cōl National Coronavirus Helpline nē 1800 020 080.



Nē kēde kāke wēēr de thokic, cōl 131 450.